



Bydd y nodiadau hyn o gymorth i chi wrth lenwi'r ffurflen CIS – cofrestru partneriaeth, CIS304

Cofrestru ar gyfer taliadau gros

Gallwch gofrestru ar gyfer Cynllun y Diwydiant Adeiladu a gwneud cais am daliadau gros ar-lein neu drwy argraffu ac anfon ffurflen drwy'r post.

Cofrestru ac amodau taliadau gros

Er mwyn gwneud cais i gofrestru o dan gynllun newydd y Diwydiant Adeiladu (CIS) a sicrhau y caiff taliadau gan gcontractwyr eu talu i'r bartneriaeth yn llawn, mae'n rhaid i'ch busnes fodloni pob un o'r amodau canlynol:

- mae'n cael ei redeg yn y DU gyda chyfrif banc
- mae ganddo drosiant net o £30,000 bob blwyddyn ar gyfer pob partner neu o leiaf £100,000
- mae'r bartneriaeth a'r partneriaid wedi cydymffurfio ag ymrwymïadau treth penodol

Gelwir y profion hyn yn brofion busnes, trosiant a chydymffurfio, a chânt eu hegluro isod.

Prawf busnes

I basio'r prawf hwn, mae'n rhaid i'ch busnes wneud y canlynol:

- gallu dangos i ni ei fod yn cynnal gwaith adeiladu yn y DU neu'n darparu llafur ar gyfer gwaith o'r fath
- cael ei redeg drwy gyfrif banc

Prawf trosiant

Mae'r prawf hwn yn seiliedig ar 'drosiant net'. Dyma'ch incwm gros o waith adeiladu, ac eithrio TAW a chost deunyddiau. Mae'r prawf yn ystyried trosiant net yn ystod y 12 mis cyn eich cais am daliadau gros.

Gall partneriaethau sefyll y prawf safonol neu'r prawf amgen. Er mwyn pasio'r prawf safonol, mae'n rhaid i'r bartneriaeth allu dangos trosiant adeiladu net sydd o leiaf £30,000 ar gyfer pob partner, yn y cyfnod o 12 mis cyn dyddiad y cais am daliadau gros.

Er mwyn pasio'r prawf amgen, mae'n rhaid i'r bartneriaeth allu dangos trosiant net sydd o leiaf £100,000 yn ystod yr un cyfnod.

Os nad yw trosiant adeiladu net y bartneriaeth yn ddigon i basio'r prawf trosiant, ond mae cyfanswm ei throsiant o bob ffynhonnell yn y 12 mis hyd at y cais yn fwy na'r trothwy, mae'n dal i fod yn bosibl i chi basio'r prawf. Gweler tudalennau 4 ac 5 am ragor o wybodaeth.



Cysylltiadau

Gwasanaeth
Cwsmeriaid
Cymraeg CThEF
Ffôn 0300 200 1900

Y we
www.gov.uk/cis

Mae'r llyfryn hyn ar gael mewn print bras. Os hoffech gopi, cysylltwch â'ch swyddfa Cyllid a Thollau EF.

Ffoniwch 0300 200 1900 i gael fersiynau Cymraeg o ffurflenni a chanllawiau.

Prawf cydymffurfio

- llenwi a chyflwyno pob datganiad misol fel contractwr yn y diwydiant adeiladu erbyn y dyddiadau cau
- llenwi a chyflwyno pob Ffurflen TAW erbyn y dyddiadau cau
- talu unrhyw dreth TWE a chyfraniadau Yswiriant Gwladol (CYG) sy'n ddyledus gennych fel cyflogwr erbyn y dyddiadau cau
- talu unrhyw ddiidyniadau sy'n ddyledus gennych fel contractwr yn y diwydiant adeiladu erbyn y dyddiadau cau
- talu cyfraniadau Yswiriant Gwladol (CYG) eich hun erbyn y dyddiadau cau
- talu pob rhwymedigaeth TAW sy'n ddyledus gennych erbyn y dyddiadau cau
- cyflwyno unrhyw wybodaeth rydym wedi gofyn amdani ynglŷn â'ch treth

Wrth ystyried a ydych wedi pasio'r prawf cydymffurfio, byddwn yn anwybyddu rhai, neu bob un o'r agweddau canlynol yn ystod yr un cyfnod o 12 mis:

- tri achos o gyflwyno datganiad misol y contractwr yn hwyr
- hyd at 28 diwrnod yn hwyr
- tri achos o gyflwyno Ffurflen TAW yn hwyr - hyd at 28 diwrnod yn hwyr
- tri thaliad hwyr o ddiidyniadau TWE/TAW/CIS o £100 neu fwy
- hyd at 14 diwrnod yn hwyr (caniateir hyn ar gyfer pob treth yn unigol)
- unrhyw daliad hwyr o ddiidyniadau TWE/TAW/CIS lle mae'r swm yn is na £100
- cyflwyno unrhyw Ffurflen Dreth Hunanasesiad hyd at 28 diwrnod yn hwyr

Caiff y prawf cydymffurfio ei drin fel un a fodlonir gan y cwmni os oes gan un neu fwy o'r partneriaid statws taliadau gros ar adeg y cais a bod gan y partner hwnnw neu'r partneriaid hynny hawl gyda'i gilydd i gyfran o leiaf hanner yr asedion, neu o leiaf hanner incwm y cwmni. Fodd bynnag, pe bai'r ffŷrm yn ennill statws taliadau gros fel hyn, ni all y partner sydd eisoes â statws taliadau gros fod wedi ei gael fel hyn neu yn yr un modd i gwmnïau.

Os bydd eich cais i gael taliadau gros yn aflwyddiannus, bydd eich taliadau ar gyfer Cynllun y Diwydiant Adeiladu yn cael eu gwneud o dan ddiidyniad ar gyfrif o'ch bil treth a chyfraniadau Yswiriant Gwladol yn y pen draw. Byddwn yn ysgrifennu atoch gan nodi'r rhesymau gwirioneddol, yn amodol ar reolau cyfrinachedd, pam eich bod wedi bod yn aflwyddiannus ynghyd â chyfarwyddiadau ar sut y gallwch apelio.

Llenwi'r ffurflen gofrestru

Dylai'r bartneriaeth benderfynu pa bartner fydd yn cael ei adnabod fel y partner sy'n cofrestru, gan mai cyfrifoldeb y partner sy'n cofrestru fydd llenwi'r ffurflen gofrestru. Bydd angen cofrestru'r bartneriaeth, yn ogystal â'r partner sy'n cofrestru, ar gyfer Hunanasesiad.

Bydd y nodiadau arweiniad hyn yn eich helpu i lenwi'ch ffurflen gofrestru. Nid ydynt yn cynnwys nodiadau ar gyfer pob blwch - dim ond nodiadau ar gyfer y blychau hynny a allai beri problemau i chi, neu'r rhai lle y bydd rhagor o wybodaeth o ddefnydd i chi. Rydym yn hapus i helpu os hoffech help gydag unrhyw beth. Ffoniwch Wasanaeth Cwsmeriaid Cymraeg CThEF ar 0300 200 1900.

Dylai unrhyw Ymddiriedolaethau sydd am gofrestru ar gyfer CIS ddefnyddio'r ffurflen hon.

Help ac arweiniad

Manylion y partner sy'n cofrestru

Rhif Yswiriant Gwladol y partner sy'n cofrestru, os oes un gennych

Gallwch ddod o hyd i'ch rhif Yswiriant Gwladol ar y dogfennau canlynol:

- ar ddogfen sydd gennych eisoes, er enghraifft P60, slip cyflog neu lythyrau am fudd-daliadau
- yn eich cyfrif treth personol
- yn ap CThEF
- yn eich ap Apple Wallet neu Google Wallet (os oeddech wedi ei gadw yno o'r blaen)

Gallwch ddefnyddio'ch cyfrif treth personol neu ap CThEF i lawrlwytho llythyr sy'n dangos eich rhif Yswiriant Gwladol.

Os nad oes gennych rif Yswiriant Gwladol, ewch i www.gov.uk/gwneud-cais-am-rif-yswiriant-gwladol

Cyfeirnod Unigryw y Trethdalwr (UTR)

Nodwch gyfeirnod y bartneriaeth a gawsoch at ddibenion Hunanasesiad ar adeg cofrestru'r bartneriaeth. Gallwch ddod o hyd i hwn yn eich Cyfrif Treth Personol neu ar Ffurflenni Treth blaenorol a dogfennau eraill gan CThEF. Os nad oes UTR gan y bartneriaeth, na'r partner sy'n cofrestru, bydd angen i chi drefnu partneriaeth fusnes, ewch i www.gov.uk/set-up-business-partnership

Manylion y bartneriaeth

Er mwyn gweld a yw'r bartneriaeth yn gymwys ar gyfer statws taliadau gros, mae'n rhaid i chi roi gwybod i ni sawl partner sydd yn y bartneriaeth. Dylech nodi'r nifer fwyaf a oedd yn y bartneriaeth yn ystod y cyfnod o 12 mis hyd at ddyddiad y cais hwn. Pan fo aelod o bartneriaeth yn gwmni yn ei enw ei hun, bydd rhaid i drothwy trosiant y cwmni fod yn seiliedig ar nifer y cyfarwyddwyr a chyfranddalwyr pan fo'n gwmni caeedig.

Os ydych yn Ymddiriedolaeth, dylech nodi manylion yr ymddiriedolwyr yn yr adran 'Manylion y partneriaid eraill' ar dudalen 3, a'r nifer o ymddiriedolwyr ym mlwch 32.

Prawf trosiant

Byddwn yn cynnal gwiriadau, a gallwn wrthod cais os ydym o'r farn bod nifer y partneriaid wedi'i danddatgan. Efallai y codir cosb arnoch.

Os yw'ch trosiant net o waith adeiladu yn y 12 mis diwethaf gymaint â neu'n fwy na £30,000, x nifer y partneriaid a ddangosir ym mlwch 32 yn gymaint â neu'n fwy na £100,000, llenwch y blychau.

33 A. Swm gros y taliadau (heb gynnwys TAW)

I gyfrifo'r swm hwn, adiwhch yr holl incwm a gawsoch o waith adeiladu, gan gynnwys cost y deunyddiau yr ydych wedi'u cyflenwi yn ystod y cyfnod. Peidiwch â chynnwys TAW.

Mae incwm adeiladu yn cynnwys unrhyw arian gan gleient am waith adeiladu, er enghraifft:

- gosod
- atgyweirio

- plymio
- gwaith trydanol
- paentio ac addurno
- dymchwel

B. Cost deunyddiau (heb gynnwys TAW)

Er mwyn cyfrifo hwn, adiwrch yr holl symiau yr ydych wedi'u gwario ar ddeunyddiau rydych wedi'u defnyddio yn ystod y cyfnod. Peidiwch â chynnwys TAW.

Mae 'deunyddiau' yn golygu cost (heb gynnwys TAW):

- tir, deunyddiau adeiladu a defnyddiau traul
- tanwydd neu beiriannau
- y swm gwirioneddol a wariwyd gennych ar logi peiriannau

Peidiwch â chynnwys y canlynol:

- treuliau teithio
- tanwydd ar gyfer teithio
- cost prynu sgaffaldau os yw eich busnes yn iscontractiwr sgaffaldau

C. Trosiant adeiladu net (A llai B)

Nodwch fanylion yn ôl yr angen.

Enghraifft - ar gyfer partneriaeth gyda 3 phartner

Swm gros y taliadau (heb gynnwys TAW)	£ 120,000.00
Llai cost deunyddiau (heb gynnwys TAW)	£ 25,000.00
Trosiant net o waith adeiladu	£ 95,000.00
Nifer y partneriaid 3 x £30,000	£ 90,000.00

Mae'r trosiant adeiladu net yn fwy na'r terfyn statudol - mae'r bartneriaeth yn pasio'r prawf trosiant.

Fel rhan o'r prawf trosiant, mae'n rhaid i chi allu darparu tystiolaeth er mwyn dangos sut y gwnaethoch gyfrifo'r ffigurau a ddefnyddiwyd yn y prawf. Mae'n rhaid i'r dystiolaeth ddangos eich bod wedi cael trosiant adeiladu net sydd o leiaf £30,000, x nifer y partneriaid neu £100,000 yn ystod cyfnod y cais.

Os nad yw'ch busnes yn ymwneud yn bennaf â gweithrediadau adeiladu, ac os nad yw'ch trosiant adeiladu net yn gymaint â neu'n fwy na £30,000 x nifer y partneriaid, neu £100,000, ond os yw cyfanswm trosiant eich busnes o bob ffynhonnell yn y 12 mis hyd at ddyddiad y cais yn fwy na'r trothwy, mae'n dal i fod yn bosibl i chi wneud cais am daliadau gros. Nodwch fanylion trosiant gros y bartneriaeth ynghyd â swm y trosiant adeiladu ar ddalen ar wahân.

Hefyd, bydd angen i chi roi enwau a chyfeiriadau'r contractwyr a weithiwyd iddynt, gwerth pob contract a'r dyddiad y cytunwyd ar y contract.

Mae'n rhaid i'r dystiolaeth ddangos, ar gyfer y cyfnod yr ydych wedi'i ddefnyddio:

Preifatrwydd a Diogelu Data

- y dyddiadau y daeth y taliadau i law
- swm gros yr holl daliadau a ddaeth i law drwy Gynllun y Diwydiant Adeiladu
- taliadau gros llai TAW ar gyfer unrhyw waith preifat
- cost y deunyddiau (llai TAW) a ddefnyddiwyd

Codir cosbau am wneud ceisiadau ffug. Os byddwch yn rhoi gwybodaeth ffug, ni fyddwch yn cael statws taliadau gros ac efallai y codir cosb hyd at £3,000 arnoch.

Sut yr ydym yn defnyddio'ch gwybodaeth

Mae Cyllid a Thollau EF yn Rheolwr Data o dan Ddeddf Diogelu Data 2018. Rydym yn cadw gwybodaeth at y dibenion a bennir yn ein hysbysiad i'r Comisiynydd Gwybodaeth, gan gynnwys asesu a chasglu trethi a thollau, talu budd-daliadau ac atal a chanfod troseddau, a gallwn ddefnyddio'r wybodaeth hon at unrhyw un o'r dibenion hynny.

Efallai y cawn wybodaeth amdanoch gan eraill, neu efallai y byddwn yn rhoi gwybodaeth iddynt. Os gwnawn hynny, bydd yn unol â'r hyn y mae'r gyfraith yn caniatáu yn unig, a hynny er mwyn gwneud y canlynol:

- gwirio cywirdeb gwybodaeth
- atal neu ganfod troseddau
- diogelu arian cyhoeddus

Efallai y byddwn yn cymharu gwybodaeth a gawn amdanoch â'r hyn sydd eisoes yn ein cofnodion. Gall hyn gynnwys gwybodaeth a roddwyd gennych chi, yn ogystal â chan eraill, megis asiantaethau neu adrannau eraill o'r llywodraeth ac awdurdodau treth a thollau tramor. Ni fyddwn yn rhoi gwybodaeth i unrhyw un y tu allan i Gyllid a Thollau EF, oni bai bod y gyfraith yn caniatáu i ni wneud hynny.

I gael rhagor o wybodaeth ewch i www.gov.uk a defnyddiwch y cyfleuster chwilio i ddod o hyd i'r adran Deddf Diogelu Data.